

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 02.11.2017թ. թիվ 1707038824 որոշումն անփոփոխ, իսկ վարչական բողոքն առանց բավարարման թողնելու մասին

<<11>> 12 2017թ. 12-4-24805-12/12-4-1168

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Կնյազ Մնացականյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Գեղարքունիքի մարզի Գավառ քաղաքի Անդրանիկի 1-ին փողոցի 1-ին նրբանցքի 3-րդ անցուղու 18 տան բնակիչ Կնյազ Մնացականյանը դիմումով խնդրել է վերանայել իրեն վարչական պատասխանատվության ենթարկելու մասին Ճանապարհային ոստիկանության 02.11.2017թ. թիվ 1707038824 որոշումը՝ նշելով, որ իր տրանսպորտային միջոցը կանգառ է կատարել ոչ թե Պարոնյան - Ձորագյուղի փողոցների խաչմերուկի հատվածում այլ խաչմերուկի հատվածից դուրս:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին 02.11.2017թ. թիվ 1707038824՝ որոշումն օրինական է և իրավաչափ, իսկ դիմումատուի փաստարկն այն անվավեր, ճանաչելու հիմք չի կարող հանդիսանալ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84-րդ կետի 6-րդ ենթակետի համաձայն՝ կանգառն արգելվում է խաչմերուկներում, երթևեկելի մասերի հատման վրա և հատվող երթևեկելի մասի եզրից 5 մ պակաս վայրում՝ բացառությամբ երթևեկելի մասերի եռակողմ հատման հոծ գծով կամ բաժանարար գոտիով առանձնացված կողմի վրա (շարունակություն չունեցող կողմի դիմաց):

Իրավախախտումն ամրագրած տեսանյութը փաստում է, որ դիմումատուին պատկանող տրանսպորտային միջոցը տեղակայված է հատվող երթևեկելի մասի եզրից ակնհայտորեն 5մ-ից պակաս վայրում:

Նշված կանոնի կատարումը, անկախ տարածքը համապատասխան ճանապարհային նշանով կահավորված լինելու և այն տեսանկարահանող սարքերի կողմից հսկվելու հանգամանքից, բոլոր տրանսպորտային միջոցների վարորդների պարտականությունն է, իսկ դրա մասին չիմանալը չի կարող անձին ազատել վարչական պատասխանատվությունից:

Ինչ վերաբերվում է դիմումատուի պնդմանը՝ կանգառը խաչմերուկի հատվածից դուրս կատարելու վերաբերյալ, ապա վարչական տույժ նշանակելու մասին որոշումների մեջ իրավախախտման վայրը նշվում է տեսախցիկի տեղադրման վայրով պայմանավորված և ընդգրկում է տեսախցիկի աշխատայքային տիրույթում գտնվող հատվածը:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 02.11.2017թ. թիվ 1707038824 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Կնյազ Մնացականյանին և ՃՈ ՍՈՒՑԻՍՈՒ Վենտրոն:

